

# **LAWATAN MENGUKUHKAN KERJASAMA YANG SEDIA TERJALIN ANTARA UNIVERSITI MALAYSIA PERLIS (UniMAP) DENGAN UNIVERSITAS TRISAKTI, INDONESIA**

Tanggal 18 Februari 2009, UniMAP telah menerima lawatan dari Universitas Trisakti, Indonesia yang terdiri daripada 9 orang pensyarah Jurusan Tekno Elektro yang diketuai oleh Bapak Endang Djuana dan 8 orang lagi pensyarah yang terdiri daripada Ir. Chairul G Irianti, Drs Indriato Yuniantoro, Dr. Ir. Suhartati Agoes, Ir Gunawan Tjahjadi, Ir Albert Mandagi, Ir. Indriati Oesman, Ir. Irda Winarsih, dan Ir. Sunarto.

Mereka turut dirai oleh Naib Canselor, UniMAP, Brig. Jen. Dato' Prof. Dr. Kamarudin Hussin di majlis makan malam di Hotel Putra Palace, Kangar. Sebelum itu, delegasi dari Universitas Trisakti ini

telah menemui Timbalan Naib Canselor UniMAP (Akademik & Antarabangsa) Prof. Dr. Ali Yeon Md. Shakaff, bagi membincangkan peluang kerjasama seperti program pertukaran pelajar yang sudahpun aktif sejak tiga tahun yang lalu di antara UniMAP dan Universitas Trisakti.

Mereka juga telah dibawa melawat Pulau Pinang, Genting Highlands, Kuala Lumpur dan Putrajaya semasa kunjungan mereka di Malaysia yang ditemani oleh seorang staf dari Pusat Hal Ehwal Antarabangsa. "Kami amat berterima kasih kepada UniMAP kerana menyediakan segala kemudahan untuk kami melawat sekitar Malaysia". ujar Ir. Gunawan Tjahjadi.

Oleh : Nur Isyalliena Ishak (nurisyaa@unimap.edu.my)

